



Broj: 04-16-4-1847-~~111~~ /24
Datum: 04.04.2024. godine.

Na osnovu člana 61. stav (1) i (2) Zakona o upravi („Službeni glasnik BiH“, broj 32/02, 102/09 i 72/17), člana 69. stav (2) tačka d) i člana 70. stav (4) Zakona o javnim nabavkama BiH („Službeni glasnik BiH“, broj 39/14 i 59/22), ministar ministarstva bezbjednosti Bosne i Hercegovine, donosi:

ODLUKU
O PONIŠTENJU POSTUPKA NABAVKE
„Usluga iznajmljivanja printera“

Član 1.

Poništava se postupak nabavke „Usluga iznajmljivanja printera“ koji je pokrenut na osnovu Odluke o pokretanju postupka za izbor najpovoljnijeg ponuđača broj: 04-16-4-1847/24 od 18.01.2024. godine za potrebe Ministarstva bezbjednosti BiH, putem otvorenog postupka sa objavom na portalu javnih nabavki, broj obavještenja 268-1-2-8-3-6/24 od 26.02.2024. godine.

Član 2.

U postupku javne nabavke „Usluga iznajmljivanja printera“ zaprimljena je jedna ponuda:

“Alf-om” d.o.o.Banja Luka – ukupna cijena ponude bez PDV-a – 54.000,00KM

Nakon izvršenog pregleda i ocjene tehničke ispravnosti ponude utvrđeno je da:

Ponuda ponuđača „Alf – om” d.o.o. Banja Luka – **nepravilna**

Komisija je pregledom ponude utvrdila:

Ponuđač je u Aneksu II Obrasca za cijenu ponude, Tabela 1 (mjesečni paušal za svaki iznajmljeni/ustupljeni uređaj) nepravilno obračunao kolonu g - Ukupna cijena (bez PDV-a). Naime, u Uputstvu za popunjavanje tabela iz obrasca ponude, koje je sastavni dio Aneksa II, za Tabelu 1 propisano je:

- *“U kolonu f potrebno je upisati jediničnu cijenu paušala bez PDV-a na mjesečnom nivou po uređaju koji uključuje 3500 odnosno 1000 printeva;*
- *U kolonu g potrebno je upisati proizvod jedinične cijene paušala na mjesečnom nivou (kolona f) i količine (kolona c) i broj mjeseci (kolona e);”*

Ponuđač je prilikom popunjavanja Tabele 1 u kolone f - Jedinična cijena paušala (bez PDV-a) upisao sljedeće jedinične cijene za:

1. Paušal za Uređaj C/B, Količina 8, Broj printeva u okviru paušala 3.500, Broj mjeseci 24, Jedinična cijena paušala (bez PDV-a) u iznosu od 1.653,75 odnosno Ukupna cijena (bez PDV-a) 39.690,00.
2. Paušal za Uređaj Kolor, Količina 2, Broj printeva u okviru paušala 1.000, Broj mjeseci 24, Jedinična cijena paušala (bez PDV-a) u iznosu od 450,00, odnosno Ukupna cijena (bez PDV-a) 10.800,00.

Imajući u vidu navedeno uputstvo za popunjavanje tabela iz Aneksa II Obrasca za cijenu ponude, te da je u koloni g bilo potrebno upisati proizvod jedinične cijene paušala na mjesečnom nivou (kolona f) i

količine (kolona c) i broj mjeseci (kolone e), utvrđeno je da je ponuđač nepravilno popunio Tabelu 1 (mjesečni paušal za svaki iznajmljeni/ustupljeni uređaj) Aneksa II Obrasca za cijenu ponude.

Tačkom 4.4. Tenderske dokumentacije propisano je da su ponuđači dužni dostaviti popunjen obrazac za cijenu ponude u skladu sa svim zahtjevima koji su definisani za stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za stavke koje su navedene, njegova ponuda će biti odbačena.

Imajući u vidu navedeno, Komisija je ocijenila ponudu ponuđača Alf-om d.o.o. Banja Luka nepravilnom.

Također, Komisija, daljim pregledom ponude ponuđača Alf-om d.o.o. Banja Luka nije mogla sa sigurnošću utvrditi određene tehničke karakteristike uređaja. Naime tenderskom dokumentacijom propisane su Tehničke karakteristike/funkcionalnost softvera i uređaja za koje je ponuđač obavezan dostaviti kataloge (data sheet) ponuđenih uređaja i softvera, te u dostavljenim katalozima (data sheet) uređaja i softvera obavezan označiti (obojiti flomasterom ili na drugi način označiti) tehničke karakteristike ponuđenog uređaja/softvera koje dokazuju ispunjenost traženih tehničkih karakteristika uređaja i softvera navedenih u tabelama 2, 3, i 4.

U vezi sa navedenim, Komisija na osnovu pregleda dostavljenih kataloga nije mogla sa sigurnošću utvrditi tražene tehničke karakteristike za sljedeće:

- Multifunkcijski uređaj za printanje u boji – 2 komada
 - Izlazni kapacitet papira A4 – tražena vrijednost: min. 500 listova;
 - Rezolucija printanja, kopiranja i skeniranja;
 - Brzina skeniranja – tražena vrijednost: min. 120 str/min jednostrano.

U vezi sa svim gore navedenim, Komisija predlaže Ugovornom organu poništenje postupka javne nabavke.

nije ispunio uslove propisane tačkom 5.3 TD, odnosno propustio je da unese sve podatke iz svoje ponude u Aneks VI - Nacrt okvirnog sporazuma (u Članu 4. nije unesena cijena ni brojčano ni slovima vezano za Agencijsku naknadu za uslugu rezervacije i obezbjeđivanja hotelskog smještaja).

Član 3.

Postupak javne nabavke iz člana 1. se poništava zbog toga što jedina primljena ponuda nije prihvatljiva, u skladu sa Članom 69. stav (2) tačka d) Zakona o javnim nabavkama BiH („Službeni glasnik BiH“, broj 39/14 i 59/22) .

Član 4.

Zadužuje se Sektor za pravne, kadrovske, opšte i finansijsko materijalne poslove za realizaciju ove Odluke. Ova odluka će se objaviti na web stranici Ministarstva bezbjednosti BiH (www.msb.gov.ba).

Dostavljeno:

- “Alf-om” d.o.o. Banja Luka, Mladena Stojanovića broj 43-45, 78 000 Banja Luka
- Glasnogovornik
- a/a

